

名速滅或名難調諸佛子所言苦集聖諦者  
彼振音世界中或名須制伏或名心趣或名  
能縛或名隨念起或名至後邊或名共和合  
或名分別或名門或名飄動或名隱覆諸佛  
子所言苦滅聖諦者彼振音世界中或名無  
依處或名不可取或名轉還或名難諍或名

十二

十三

小或名大或名善淨或名無盡或名廣博或  
名無等價諸佛子所言苦滅道聖諦者彼振  
音世界中或名觀察或名能摧敵或名了知  
印或名能入性或名難敵對或名無限義或  
名能入智或名和合道或名恒不動或名殊  
勝義諸佛子振音世界說四聖諦有如是等

四百億十千名隨衆生心悉令調伏諸佛子  
如此娑婆世界中說四聖諦有四百億十千  
名如是東方百千億無數無量無邊無等不  
可數不可思不可思不可量不可說盡法界  
虛空界所有世界彼一一世界中說四聖諦  
亦各有四百億十千名隨衆生心悉令調伏

如東方南西北方四維上下亦復如是諸佛  
子如娑婆世界有如上所說十方世界彼一  
切世界亦各有如是十方世界一一世界中  
說苦聖諦有百億萬種名說集聖諦滅聖諦  
道聖諦亦各有百億萬種名皆隨衆生心之  
所樂令其調伏

大方廣佛華嚴經卷第十二

平二

大方廣佛華嚴經卷第十三

平

于闐國三藏沙門實叉難陀譯

卷第十三

光明覺品第九

余時世尊從兩足輪下放百億光明照  
此三千大千世界百億闍浮提百億弗

婆提百億瞿耶尼百億鬱單越百億大海百億輪圍山百億菩薩受生百億菩薩出家百億如來成正覺百億如來轉法輪百億如來入涅槃百億須弥山王百億四天王衆天百億三十三天百億夜摩天百億兜率天百億化樂天百億他化自在天百億梵衆天百億光音天百億遍淨天百億廣果天百億色究竟天其中所有悉皆明現如此處見佛世尊坐蓮華藏師子之座十佛刹微塵數菩薩所共圍繞其百億闍浮提中百億如來亦如是坐患以佛神力故十方各有一大菩薩一一各與十佛刹微塵數諸菩薩俱來詣佛所其名曰文殊師利菩薩覺首菩薩財首菩薩寶首菩薩功

德首菩薩目首菩薩精進首菩薩法首菩薩智首菩薩賢首菩薩是諸菩薩所從來國所謂金色世界妙色世界蓮華色世界薺萄華色世界優鉢羅華色世界金色世界寶色世界金剛色世界頗黎色世界平等色世界此諸菩薩各於佛所淨修梵行所謂不動智佛無礙智佛解脫智佛威儀智佛明相智佛究竟智佛最勝智佛自在智佛梵智佛觀察智佛余時一切處文殊師利菩薩各於佛所同時發聲說此頌言  
若有見正覺解脫離諸漏不著一切世彼非證道眼若有知如來體相無所有修習得明了此人疾作佛能見此世界其心不搖動於佛身亦然當成勝智者

若於佛及法 其心了平等 二念不現前  
當踐難思位 若見佛及身 平等而安住  
無住無所入 當成難遇者 色受無有數  
想行識亦然 若能如是知 當作大牟尼  
世及出世見 一切皆超越 而能善知法  
當成大光輝 若於一切智 發生迴向心  
見心無所生 當獲大名稱 衆生無有生  
亦復無有壞 若得如是智 當成無上道  
一中解無量 無量中解一 了彼手生起  
當成無所畏

爾時光明過此世界遍照東方十佛國  
土南西北方四維上下亦復如是彼一  
世界中皆有百億闍浮提乃至百億  
色究竟天其中所有患皆明現如此處  
見佛世尊坐蓮華藏師子之座十佛刹

微塵數菩薩所共圍繞彼一一世界中  
各有百億闍浮提百億如來亦如是坐  
卷以佛神力故十方各有一大菩薩一  
各與十佛刹微塵數諸菩薩俱來詣  
佛所其大菩薩謂文殊師利等所從來  
國謂金色世界等本所事佛謂不動智  
如來等尔時一切處文殊師利菩薩各  
於佛所同時發聲說此頌言

衆生無智慧 愛剝所傷毒 為彼求菩提  
諸佛法如是 普見於諸法 二邊皆捨離  
道成永不退 轉此無等輪 不可思議劫  
精進修諸行 為度諸衆生 此是大仙力  
導師降衆魔 勇健無能勝 光中演妙義  
慈悲故如是 以彼智慧心 破諸煩惱障  
一念見一切 此是佛神力 擊于正法鼓

覺悟十方刹 咸令向菩提 自在力能尔  
不壞無邊境 而遊諸億刹 於有無所著  
彼自在如佛 諸佛如虛空 究竟常清淨  
憶念生歡喜 彼諸願具足 一一地獄中

經於無量劫 為度衆生故 而能忍是苦  
不惜於身命 常護諸佛法 無我心調柔

能得如來道

尔時光明過十世界遍照東方百世界  
南西北方四維上下亦復如是彼諸世  
界中皆有百億間浮提乃至百億色究竟  
天其中所有悉皆明現彼一一間浮  
提中悉見如來坐蓮華藏師子之座十  
佛刹微塵數菩薩所共圍繞悉以佛神  
力故十方各有一大菩薩一一各與十  
佛刹微塵數諸菩薩俱來詣佛所其大

菩薩謂文殊師利等所從來國謂金色  
世界等本所事佛謂不動智如來等尔  
時一切處文殊師利菩薩各於佛所同  
時發聲說此頌言

佛了法如幻 通達無障礙 心淨離衆著  
調伏諸群生 或有見初生 妙色如金山  
性是最後身 永作人中月 或見經行時  
具無量功德 念慧皆善巧 丈夫師子步  
或見紺青目 觀察於十方 有時現戲笑  
為憲衆生欲 或見師子吼 殊勝無比身  
示現最後生 所說無非實 或有見出家  
解脫一切縛 修治諸佛行 常樂觀寂滅  
或見坐道場 覺知一切法 到功德彼岸  
癡暗煩惱盡 或見勝丈夫 具足大悲心  
轉於妙法輪 度無量衆生 或見師子吼

威光寂殊特 超一切世間 神通力無等  
亥見心寂靜 如世燈永滅 種種現神通  
十力能如是

余時光明過百世界遍照東方千世界  
南西北方四維上下亦復如是彼一一  
世界中皆有百億闇浮提乃至百億色  
究竟天其中所有悉皆明現彼一一闇  
浮提中悉見如來坐蓮華藏師子之座  
十佛刹微塵數菩薩所共圍繞悉以佛  
神力故十方各有一大菩薩一一各與  
大菩薩謂文殊師利等所從來國謂金色  
世界等本所事佛謂不動智如來等  
余時一切處文殊師利菩薩各於佛所  
同時發聲說此頌言

佛於甚深法 通達無與等 衆生不能了  
次第爲開示 我性未曾有 我所亦空寂  
云何諸如來 而得有其身 解脫明行者  
無數無等倫 世間諸因量 求過不可得  
佛非世間蘊 界處生死法 數法不能成  
故号人師子 其性本空寂 內外俱解脫  
離一切妄念 無等法如是 體性常不動  
無我無來去 而能寤世間 無邊恚調伏  
常樂觀寂滅 一相無有二 其心不增減  
現無量神力 不作諸衆生 業報因緣行  
而能了無礙 善逝法如是 種種諸衆生  
流轉於十方 如來不分別 度脫無邊類  
諸佛真金色 非有遍諸有 隨衆生心樂  
爲說寂滅法

余時光明過千世界遍照東方十千世

界南西北方四維上下亦復如是彼一  
一世界中皆有百億閣浮提乃至百億  
色究竟天其中所有悉皆明現彼一一  
閣浮提中悉見如來坐蓮華藏師子之  
座十佛刹微塵數菩薩所共圍繞悉以  
佛神力故十方各有一大菩薩一一各  
與十佛刹微塵數諸菩薩俱來諸佛所  
其大菩薩謂文殊師利等所從來國謂  
金色世界等本所事佛謂不動智如來  
等余時一切處文殊師利菩薩各於佛  
所同時發聲說此頌言

發起大悲心 救護諸衆生 永出人天衆  
如是業應作 意常信樂佛 其心不退轉  
親近諸如來 如是業應作 志樂佛功德  
其心永不退 住於清涼慧 如是業應作

一切威儀中 常念佛功德 畫夜無暫斷  
如是業應作 觀無邊三世 學彼佛功德  
常無厭倦心 如是業應作 觀身如實相  
一切皆寂滅 離我無我著 如是業應作  
等觀衆生心 不起諸分別 入於真實境  
如是業應作 悲舉無邊眾 普飲一切海  
此神通智力 如是業應作 思惟諸國土  
色與非色相 一切悉能知 如是業應作  
十方國土塵 一塵爲一佛 悉能知其數  
如是業應作

余時光明過十千世界遍照東方百千  
世界南西北方四維上下亦復如是彼  
一世界中皆有百億閣浮提乃至百  
億色究竟天其中所有悉皆明現彼一  
閣浮提中悉見如來坐蓮華藏師子

之座十佛刹微塵數菩薩所共圍繞悉以佛神力故十方各有一大菩薩一一各與十佛刹微塵數諸菩薩俱來詣佛所其大菩薩謂文殊師利等所從來國謂金色世界等本所事佛謂不動智如來等余時一切處文殊師利菩薩各於佛所同時發聲說此頌言

若以威德色種族 而見人中調御師是爲病眼顛倒見 彼不能知最勝法如來色形諸相等 一切世間莫能測億那由劫共思量 色相威德轉無邊如來非以相爲體 但是無相寂滅法一身相威儀悉具足 世間隨樂皆得見佛法微妙難可量 一切言說莫能及非是和合非不合 體性寂滅無諸相

佛身無生超戲論 非是蘊聚差別法得自在力定見 所行無畏離言道身心悉平等 內外皆解脫 永劫住正念無著無所繫 意淨光明者 所行無染著智眼靡不周 廣大利衆生 一身爲無量無量復爲一 了知諸世間 現形遍一切此身無所從 亦無所積聚 衆生分別故見佛種種身心分別世間 是心無所有如來知此法 如是見佛身

尔時光明過百千世界遍照東方一千万世界南西北方四維上下亦復如是彼二世界中皆有百億闍浮提乃至百億色究竟天其中所有悉皆明現彼一闍浮提中悉見如來坐蓮華藏師子之座十佛刹微塵數菩薩所共圍繞悉

以佛神力故十方各有一大菩薩一一各與十佛刹微塵數諸菩薩俱來詣佛所其大菩薩謂文殊師利等所從來國謂金色世界等本所事佛謂不動智如來等尔時一切處文殊師利菩薩各於佛所同時發聲說此頌言

如來寂自在 超世無所依 具一切功德  
度脫於諸有 無染無所著 無想無依止  
體性不可量 見者咸稱歎 光明遍清淨  
塵累悉蠲滌 不動離二邊 此是如來智  
若有見如來 身心離分別 則於一切法  
永出諸疑滯 一切世間中 處處轉法輪  
無性無所轉 導師方便說 於法無疑惑  
永絕諸戲論 不生分別心 是念佛菩提  
了知差別法 不著於言說 無有一與多

是名隨佛教 多中無一性 一亦無有多  
如是二俱捨 普入佛功德 衆生及國土  
一切皆寂滅 無依無分別 能入佛菩提  
衆生及國土 一異不可得 如是善觀察  
名知佛法義

爾時光明過百萬世界遍照東方一億  
世界南西北方四維上下亦復如是彼  
一世界中皆有百億闍浮提乃至百  
億色究竟天其中所有悉皆明現彼一  
闍浮提中各見如來坐蓮華藏師子  
之座十佛刹微塵數菩薩所共圍繞悉  
以佛神力故十方各有一大菩薩一一  
各與十佛刹微塵數諸菩薩俱來詣佛  
所其大菩薩謂文殊師利等所從來國  
謂金色世界等本所事佛謂不動智如

來等尔時一切處文殊師利菩薩各於  
佛所同時發聲說此頌言

智慧無等法無邊 超諸有海到彼岸  
壽量光明悉無比 此功德者方便力  
所有佛法皆明了 常觀三世無厭倦  
雖緣境界不分別 此難思者方便力  
樂觀衆生無生想 普見諸趣無趣想  
恆住禪寂不繫心 此無礙意方便力  
善巧通達一切法 正念勤修涅槃道  
樂於解脫離不平 此寂滅人方便力  
有能勸向佛菩提 超如法界一切智  
善化衆生入於諦 此住佛心方便力  
佛所說法皆隨入 廣大智慧無所礙  
一切處行悉已臻 此自在修方便力  
恒住涅槃如虛空 隨心化現靡不周

此依無相而爲相 到難到者方便力  
晝夜日月及年劫 世界始終成壞相  
如是憶念悉了知 此時數智方便力  
一切衆生有生滅 色與非色想非想  
所有名字悉了知 此住難思方便力  
過去現在未來世 所有言說皆能了  
而知三世悉平等 此無比解方便力  
亦時光明過一億世界遍照東方十億  
世界南西方四維上下亦復如是彼  
一一世界中皆有百億闍浮提乃至百  
億色究竟天其中所有悉皆明現彼一  
闍浮提中悉見如來坐蓮華藏師子  
之座十佛刹微塵數菩薩所共圍繞悉  
以佛神力故十方各有一大菩薩一一各  
與十佛刹微塵數諸菩薩俱來詣佛

所其大菩薩謂文殊師利等所從來國謂金色世界等本所事佛謂不動智如來等尔時一切處文殊師利菩薩各於佛所同時發聲說此頌言

廣大苦行皆修習 日夜精勤無厭怠已度難度師子吼 普化衆生是其行衆生流轉愛欲海 無明網覆大憂迫至仁勇猛悉斷除 誓亦當然是其行世間放逸著五欲 不實分別受衆苦奉行佛教常攝心 誓度於斯是其行衆生著我入生死 求其邊際不可得普事如來獲妙法 為彼宣說是其行衆生無怙病所纏 常淪惡趣起三毒大火猛燄恒燒熱 淨心度彼是其行衆生迷惑失正道 常行邪徑入闇宅

爲彼大然正法燈 永作照明是其行衆生漂溺諸有海 憂難無涯不可處爲彼興造大法船 皆令得度是其行衆生無知不見本 迷惑癡狂險難中佛哀愍彼建法橋 正念令昇是其行見諸衆生在險道 老病死苦常逼迫修諸方便無限量 誓當悉度是其行聞法信解無疑惑 了性空寂不驚怖隨形六道遍十方 普教群迷是其行爾時光明過十億世界遍照東方百億世界千億世界百千億世界那由他億世界百千那由他億世界千那由他億世界百千那由他億世界如是無數無量無邊無等不可數不可稱不可思不可量不可說盡法界虛空界所有世界南

西北方四維上下亦復如是彼一一世界中皆有百億闍浮提乃至百億色究竟天其中所有悉皆明現彼一一闍浮提中悉見如來坐蓮華藏師子之座十佛刹微塵數菩薩所共圍繞悉以佛神力故十方各有一大菩薩二名與十佛刹微塵數諸菩薩俱來詣佛所其大菩薩謂文殊師利等所從來國謂金色世界等本所事佛謂不動智如來等余時一切處文殊師利菩薩各於佛所同時發聲說此頌言

一念普觀無量劫 無去無來亦無住  
如是了知三世事 超諸方便成十力  
十方無比善名稱 永離諸難常歡喜  
普詣一切國土中 廣爲宣揚如是法

爲利衆生供養佛 如其意獲相似果  
於一切法悉順知 遍十方中現神力  
從初供佛意柔忍 入深禪定觀法性  
普勸衆生發道心 以此速成無上果  
十方求法情無異 爲修功德令滿足  
有無二相悉滅除 此人於佛爲真見  
普往十方諸國土 廣說妙法興義利  
住於實際不動搖 此人功德同於佛  
如來所轉妙法輪 一切皆是菩提分  
若能聞已悟法性 分別耳相不見佛  
不見十力空如幻 雖見非見如盲覩  
譬如空中無量刹 無來無去遍十方

生成滅壞無所依 佛遍虛空亦如是  
大方廣佛華嚴經菩薩問明品第十

尔時文殊師利菩薩問覺首菩薩言佛  
子心性是一云何見有種種差別所謂  
往善趣惡趣諸根滿缺受生同異端正  
醜陋苦樂不同業不知心心不知業受  
不知報報不知受心不知受受不知心  
因不知緣緣不知因智不知境境不知  
暫時覺首菩薩以頌答曰

仁今問是義爲曉悟群蒙 我如其性答  
惟仁應諦聽諸法無作用 亦無有體性  
是故彼一切各各不相知 譬如河中水  
湍流競奔逝 各各不相知 諸法亦如是  
亦如大火聚猛燄同時發 各各不相知  
諸法亦如是 又如長風起 遇物咸鼓扇

各各不相知 諸法亦如是 又如衆地界  
展轉因依住 各各不相知 諸法亦如是  
眼耳鼻舌身 心意諸情根 以此常流轉  
而無能轉者 法性本無生 示現而有生  
是中無能現 亦無所現物 眼耳鼻舌身  
心意諸情根 一切空無性 妄心分別有  
如理而觀察 一切皆無性 法眼不思議  
此見非顛倒 若實若不實 若妄若非妄  
世間出世間 但有假言說

爾時文殊師利菩薩問財首菩薩言佛  
子一切衆生非衆生云何如來隨其時  
隨其命隨其身隨其行隨其解隨其言  
論隨其心樂隨其方便隨其思惟隨其  
觀察於如是諸衆生中爲現其身教化  
調伏時財首菩薩以頌答曰

此是樂寂滅 多聞者境界 我爲仁宣說  
仁今應聽受 分別觀內身 此中誰是我  
若能如是解 彼達我有無 此身假安立  
住處無方所 諦了是身者 於中無所著  
於身善觀察 一切皆明見 知法皆虛妄  
不起心分別 壽命因誰起 復因誰退滅  
猶如旋火輪 初後不可知 智者能觀察  
一切有無常 諸法空無我 永離一切相  
衆報隨業生 如夢不真實 念念常滅壞  
如前後亦亦 世間所見法 但以心爲主  
隨解取衆相顛倒不如實 世間所言論  
一切是分別 未曾有一法 得入於法性  
能緣所緣力 種種法出生 速滅不暫停  
念念悉如是

爾時文殊師利菩薩問寶首菩薩言佛

子一切衆生等有四大無我無我所云  
何而有受苦受樂端正醜陋內好外好  
少受多受或受現報或受後報然法界  
中無美無惡時寶首菩薩以頌答曰  
隨其所行業 如是果報生 作者無所有  
諸佛之所說 譬如淨明鏡 隨其所對質  
現像各不同 業性亦如是 亦如田種子  
各各不相知 自然能出生 業性亦如是  
又如巧幻師 在彼四衢道 示現衆色相  
業性亦如是 如機關木人 能出種種聲  
被無我非我 業性亦如是 亦如衆鳥類  
從霧而得出 音聲各不同 業性亦如是  
譬如胎藏中 諸根悉成就 體相無來處  
業性亦如是 又如在地獄 種種諸苦事  
彼悉無所從 業性亦如是 譬如轉輪王

成就勝七寶來處不可得業性亦如是  
又如諸世界大火所燒然此火無來處

業性亦如是

余時文殊師利菩薩問德首菩薩言佛  
子如來所悟唯是一法云何乃說無量  
諸法現無量刹化無量衆演無量音示  
無量身知無量心現無量神通普能震  
動無量世界示現無量殊勝莊嚴顯示  
無邊種種境界而法性中此差別相皆

不可得時德首菩薩以頌答曰

佛子所問義甚深難可了智者能知此  
常樂佛功德譬如地性一衆生各別住  
地無一異念諸佛法如是亦如火性一  
能燒一切物火燄無分別諸佛法如是  
亦如大海一波濤千万異水無種種殊

諸佛法如是亦如風性一能吹一切物  
風無一異念諸佛法如是亦如大雲雷  
普雨一切地雨滴無差別諸佛法如是  
亦如地界一能生種種牙非地有殊異  
諸佛法如是如日無雲暗普照於十方  
光明無異性諸佛法如是亦如空中月  
世間靡不見非月往其處諸佛法如是  
譬如大梵王應現滿三千其身無別異  
諸佛法如是

余時文殊師利菩薩問目首菩薩言佛  
子如來福田等一無異云何而見衆生  
布施果報不同所謂種種色種種形種  
種家種種根種種財種種主種種眷屬  
種種官位種種功德種種智慧而佛於  
彼其心平等無異思惟時目首菩薩以

頌答曰

譬如大地一隨種各生牙於彼無怨親  
佛福田亦然又如水一味因器有差別  
佛福田亦然衆生心故異亦如巧幻師  
能令衆歡喜佛福田如是令衆生敬悅  
如有才智王能令大衆喜佛福田如是  
令衆悉安樂譬如淨明鏡隨色而現像  
佛福田如是隨心獲衆報如阿揭陀藥  
能療一切毒佛福田如是滅諸煩惱患  
亦如日出時照耀於世間佛福田如是  
滅除諸黑暗亦如淨滿月普照於大地  
佛福田亦然一切處平等譬如毗藍風  
普震於大地佛福田如是動三有衆生  
譬如大火起能燒一切物佛福田如是  
燒一切有爲

尔時文殊師利菩薩問勸首菩薩言佛  
子佛教是一衆生得見云何不即悉斷  
一切諸煩惱縛而得出離然其色蘊受  
蘊想蘊行蘊識蘊欲界色界無色界無  
明貪愛無有差別是則佛教於諸衆生  
或有利益或無利益時勸首菩薩以頌  
答曰

佛子善諦聽我今如實答或有速解脫  
或有難出離若欲求除滅無量諸過惡  
當於佛法中勇猛常精進譬如微少火  
樵濕速令滅於佛教法中懈怠者亦然  
如鑽燧求火未出而數息火勢隨止滅  
懈怠者亦然如人持日珠不以物承影  
火終不可得懈怠者亦然譬如赫日照  
孩稚閉其目恠言何不覩懈怠者亦然

如人無手足 欲以芒草箭 遍射破大地  
懈怠者亦然 如以一毛端 而取大海水  
欲令盡乾竭 懈怠者亦然 又如劫火起  
欲以少水滅 於佛教法中 懈怠者亦然  
如有見虛空 端居不搖動 而言普騰躡  
懈怠者亦然

尔時文殊師利菩薩問法首菩薩言佛  
子如佛所說若有衆生受持正法悉能  
除斷一切煩惱何故復有受持正法而  
不斷者隨貪瞋癡隨慢暗覆隨忿隨  
恨隨嫉隨慳隨誑隨詭勢力所轉無有  
離心能受持法何故復於心行之內起  
諸煩惱時法首菩薩以頌答曰

佛子善諦聽 所問如實義 非但以多聞  
能入如來法 如人水所漂 懼溺而渴死

於法不修行 多聞亦如是 如人設美饌  
自餓而不食 於法不修行 多聞亦如是  
如人善方藥 自疾不能救 於法不修行  
多聞亦如是 如人數他寶 自無半錢分  
於法不修行 多聞亦如是 如有生王宮  
而受餒與寒 於法不修行 多聞亦如是  
如聲奏音樂 悅彼不自聞 於法不修行  
多聞亦如是 如盲續衆像 示彼不自見  
於法不修行 多聞亦如是 譬如海船師  
而於海中死 於法不修行 多聞亦如是  
如在四衢道 廣說衆好事 內自無實德  
不行亦如是

爾時文殊師利菩薩問智首菩薩言佛  
子於佛法中智爲上首如來何故或爲  
衆生讚歎布施或讚持戒或讚堪忍或

讚精進或讚禪定或讚智慧或復讚歎慈悲喜捨而終無有唯以一法而得出離成阿耨多羅三藐三菩提者時智首菩薩以頌答曰

佛子甚希有能知衆生心如仁所問義  
諦聽我今說過去未來世現在諸導師  
無有說一法而得於道者佛知衆生心  
性分各不同隨其所應度如是而說法  
慳者為讚施毀禁者讚戒多瞋為讚忍  
好懈讚精進亂意讚禪定愚癡讚智慧  
不仁讚慈愍惄害讚大悲憂感為讚喜  
曲心讚歎捨如是次第修漸具諸佛法  
如先立基堵而後造宮室施戒亦復然  
菩薩衆行本辭如建城郭為護諸人衆  
忍進亦如是防護諸菩薩辭如大力王

率土咸戴仰定慧亦如是菩薩所依賴  
亦如轉輪王能與一切樂四等亦如是  
與諸菩薩樂

尔時文殊師利菩薩問賢首菩薩言佛  
子諸佛世尊唯以一道而得出離云何  
今見一切佛土所有衆事種種不同所  
謂世界衆生界說法調伏壽量光明神  
通衆會教儀法住各有差別無有不具  
一切佛法而成阿耨多羅三藐三菩提  
者時賢首菩薩以頌答曰

文殊法常爾法王唯一法一切無礙人  
一道出生死一切諸佛身唯是一法身  
一心一智慧力無畏亦然如本趣菩提  
所有迴向心得如是刹土衆會及說法  
一切諸佛刹莊嚴悉圓滿隨衆生行異

如是見不同 佛刹與佛身 衆會及言說  
如是諸佛法 衆生莫能見 其心已清淨  
諸願皆具足 如是明達人 於此乃能覩

隨衆生心樂 及以業果力 如是見差別  
此佛威神故 佛刹無分別 無憎無有愛  
但隨衆生心 如是見有殊 以是於世界  
所見各差別 非一切如來 大仙之過各  
一切諸世界 所應受化者 常見人中雄  
諸佛法如是

余時諸菩薩謂文殊師利菩薩言佛子  
我等所解各自說已唯願仁者以妙辯  
才演暢如來所有境界何等是佛境界  
何等是佛境界因何等是佛境界度何  
等是佛境界入何等是佛境界智何等  
是佛境界法何等是佛培心界說何等是

佛境界知何等是佛境界證何等是佛  
境界現何等是佛境界廣時文殊師利  
菩薩以頌答曰

如來深境界 其量等虛空 一切衆生入  
而實無所入 如來深境界 所有勝妙因  
億劫常宣說 亦復不能盡 隨其心智慧  
誘進咸令益 如是度衆生 諸佛之境界  
世間諸國土 一切皆隨入 智身無有色  
非彼所能見 諸佛智自在 三世無所礙  
如是慧境界 平等如虛空 法界衆生界  
究竟無差別 一切悉了知 此是如來境  
一切世間中 所有諸音聲 佛智皆隨了  
亦無有分別 非識所能識 亦非心境界  
其性本清淨 開示諸群生 非業非煩惱  
無物無住處 無照無所行 平等行世間

一切衆生心 普在三世中 如來於一念

一切悉明達

尔時此娑婆世界中一切衆生所有法  
差別業差別世間差別身差別根差別  
受生差別持戒果差別犯戒果差別國  
土果差別以佛神力悉皆明現如是東  
方百千億那由他無數無量無邊無等  
不可數不可稱不可思不可量不可說  
盡法界虛空界一切世界中所有衆生  
法差別乃至國土果差別悉以佛神力  
故分明顯現南西北方四維上下亦復  
如是

磧砂大藏經

大方廣佛華嚴經

大方廣佛華嚴經卷第十四 平四

于闐國三藏沙門寶叉難陀譯

淨行品第十一

尔時智首菩薩問文殊師利菩薩言佛子菩  
薩云何得無過失身語意業云何得不害身  
語意業云何得不可毀身語意業云何得不  
可壞身語意業云何得不退轉身語意業云  
何得不可動身語意業云何得殊勝身語意  
業云何得清淨身語意業云何得無染身語  
意業云何得智為先尊身語意業云何得生  
處具足種族具足家俱足色具足相具足念  
具足慧具足行具足無畏具足覺悟具足云  
一

何得勝慧第一慧最上慧最勝慧無量慧無  
數慧不思議慧無與等慧不可量慧不可說  
慧云何得因力欲力方便力緣力所緣力根  
力觀察力奢摩他力毗鉢舍那力思惟力云  
何得蘊善巧界善巧處善巧緣起善巧欲界  
善巧色界善巧無色界善巧過去善巧未來

大方廣佛華嚴經卷第十三